


湖北府縣志輯

湖北府縣志輯

湖北府縣志輯
見各縣志



乾隆棗陽縣志



(清)

熊甘
天定
章遇
纂修

棗陽縣志序

國家休養生息漸仁摩



列聖相承涵濡煦妯於百有餘年
之久海宇清寧烽燧息滅
穀名文物之盛無間於荒
陬僻壤語曰堯舜之民比
戶可封民生斯世何厚幸

序一

也棗邑在春秋為唐國地
在漢為舂陵侯國迨建武
中改章陵自隋改今名歷
千百年而棗陽之名未更
聲名文物史不絕書雖經
勝國之末兵燹蹂躪然而
人煙稠密土壤寥濶蓋猶

稱襄郡屏翰焉且地近僻

壤無異通都大邑熙熙攘

攘之象幾同時雍風動之

休非其有得

聖朝之涵濡何以至此歲已如

予奉

命來蒞茲土下畢之始驗其民

序二

風觀其土俗思欲著一乘

以與斯民記哄日之盛因

得康熙十一年邑令劉君

嗣煦所修縣志一帙讀之

其間紀載之體煩簡之宜

去取之公不能盡無遺議

又距今已九十載此九十

載中所為政治因革戶籍
 登耗風俗人才之推移榮
 落皆將傳信傳疑放逸是
 懼及今不輯後更無考修
 廢舉墜非司牧之責而誰
 責歟先是前任黃公文瑗
 乾隆二十三年嘗從事於
 斯惜未能卒業及是予與
 闔邑紳士復申前議上之
 各
 憲成報可愛諏吉開局於柯
 公祠其經理度支採訪警
 校諸紳士分任之而以學
 博熊君鱣堂多暇足以互

相考核於是取前志之訛
 者正之遺者補之煩者芟
 而新者續之嚴華削慎取
 予凡邑中山川城隍之形
 勝賦役生齒之殷繁風俗
 物產學校郵亭之盛美與
 夫忠孝節義經綸黼黻之
 文章無不分門類纂登載
 靡遺凡幾閱月而書成噫
 短綆汲深美錦學製於今
 三年矣土俗民風亦漸捨
 悉竊念棗之為邑田土膏
 腴閭閻饒裕便工商之業
 通物產之利洵寰屬之奧

序五

區也既富方穀愛土心減
庠序之外設立義學膏火
有田堪資匱乏為養固易
為教亦非甚難也官於斯
與生於斯者攬取是編相
其緩急善其注厝不徒以
紀述典故視之則士也說
禮樂而敦詩書民也安耕
鑿而歌化日自足以長享
太平之盛治於無窮似續
先哲之聲光於不替矣是
為序

乾隆二十七年歲次壬午
秋七月知棗陽縣事加

序六

二級紀錄二次豫章甘
定遇躍津氏書

舊序

上龍飛御極之年方登一紀此于萬斯年之始也時聲教暨訖至於海隅固不率俾又古今全盛時也乃瞻輿圖詔脩天下一統志煌煌乎一代大觀矣何有於邑乘哉雖然天下者邑之積也合邑而為府而府志以成合府而為省而省志以脩合省而為天下而一統志以全則邑志者固一統志之權輿乎藁邑僅襄城一隅地耳昔隸於豫今隸於楚則漢魏以來更屬也昔為棘陽今為棗陽則隋唐以來更名也宋升為軍元改為縣則南渡

以後更制也攷之輿志棘陽城為古謝邑而古蹟尚附南陽與謝城並列此其証矣謝邑之所從來惟詩大小雅兩見焉我圖爾居莫如南土則先王所以厚親親之意抑何重歟漢之中葉春陵其發跡區也父老一宴迄今侈為美談則藁爾一邑之志又何可少耶然則今之志藁也將若何曰善奕者必有譜善醫者必有方善致治者必有前賢之遺矩以為利弊更張之宜豈虛像一邑之往事已哉典承之春陵今承五載有愧召穆之營謝多矣竊思正其賦稅則詩之微申伯土田者可法也

度其高下之宜則詩之原隰既平者可法也通其水泉之利則詩之泉流既清者可法也法古之營謝者以治藁於以無負牧民任敢曰績懋循良也哉若夫作興學校在明萬歷壬子學田一記脩之矣攘也而道德耆也而忠信耕也而仁耨也而義封畛也而禮經界也而庶耻斯乃學為良田而士為嘉禾矣子也有志而未之逮不敢不勉教養之大庶幾附先賢而傳達是則予之願也夫康熙壬子知棗陽縣事劉嗣照序

舊序

粵稽尚書禹貢紀田賦墳墟至篠簋魚鹽之細周禮職方載山川藪澤至男女蓄擾之粗漢班孟堅又詳於政治風俗奢儉緩急而作地理志洵煌煌鉅典哉唐宋以來歷代具有成書郡邑各有紀乘總期以奠民生益治道而止然天地鍾靈人物奇偉禹貢職方或有未及而博古準今主治一方者所宜三致意焉我巴西聞山劉侯以南宮名進士自戊申夏筮仕於棘單車入境見山清水白言念其地夙稱佳氣鬱蔥者而懿蹟猶存蒿草

淪散安得上下千載綿亘百里洞然如在目前哉則莫如討故實惟志焉是憑乃訊之士大夫僉云兵火頻仍文獻無徵矣侯慨然曰志者經之裔也惟裔經而宜與經同其正亦史之翼也雖翼史而不與史同其文大而覽方維表才德慎其控馭善其注厝可以恢

皇圖展帝紘小而審謠俗辨土宜悉其生聚盡其教養可以厚民社而興頑懦甚矣志之其難其慎而未可畧焉若此也遂廣蒐斷簡遍訪軼事加以討論重之以叅訂山澤封植追成跡之本原賦役出入遵典冊於政府若

政治文學則大書之以見表章之盛忠孝節義則特書之以彰潛德之輝至若祠宇樓閣既廢而得不廢者皆詳書之以揚其勝詩文歌賦散失而不盡失者亦並存之以覽其全凡兩間春秋三經草創片言隻字必手自裁決而後成真所謂憲當代而折其衷祖東京而詳其體者矣邑貢生李璋序

舊序

自風雅亡而春秋作有經有傳一以謹嚴忠恕行之及後有廿一史有綱目有通鑑有實錄此固各勤為一代之書於以徵信當時傳微奕模義慕重哉下而郡有志邑有乘莫不本此意以襄大典也秦為襄屬名區漢葉中興累朝殷盛其所從來遠矣昔以兵燹頻仍邑乘湮廢吾師劉侯自戊申受事以來輒以邑志之修復為已任而時有所不暇力有所未逮也方今

聖人在上萬國車書咸歸一統直省郡邑纂修志典用以發

皇盛績何其時與事逢克副夙願有如是哉爰旁搜博討或考諸紀載或詢諸紳耆或得諸巷語途謠與殘碑斷碣大約不泥古不徇今率實勿誕字質勿文字簡嚴勿渙滂綜而輯之而秦邑之志以成燦材質疎庸寡聞鮮見能察天文乎能詳疆域乎能按山河而晰隘險稽風俗而辨貞淫乎能清賦役詢食貨物產而知財用之源流乎能興人文而考祀典乎能述官守人物而逆仰止之懷乎能大書特書闡揚潛德乎乃閱我侯之志而歷歷在人耳目間也燦幸矣哉燦自辛亥仲秋叨我侯

一席之任追隨函丈慰詢並優且又躬逢大典得以謬附泰訂廣所見聞是所稱閭巷之人得附青雲之士因以聲施後世者非耶燦於是作而曰此真足以上答聖天子崇文之盛意也寧直聲同南史藻邇東京已哉鄆邑門人白尚燦序

星野言天也疆域山川紀地也夫子繫易曰有天地然後有萬物人者萬物之靈也故次之以戶口戶口孳生需物以養故次之以土產物產既豐人民萃聚於是畫土分區而有沿革建都設邑而有城池城池之重官司守之則有職官職官之屬人各有事丞佐師儒武弁庫儲胥皂悉有公廨如察院行臺之類禁獄旅署亭旌善申明之類市約所各有區分規模既定尊卑有體而後政令於是乎出則度其土田均其賦稅酌其丁徭以代力役編其

里甲以便歸輸惟正之供以下奉上之義也籌其水利則有陂堰計其荒歉則有積貯通其有無則有村鎮保甲之設息盜安民附里甲下尤古者鄉田同井守望相助之良法也王政利民不廢工築則有橋梁重門擊柝以待暴客則有閘隘閘隘之守尤須人力則有防汛兵以衛民民安其業而鋪遞之設凡以宣上德而達下情大要為民事居多耳若夫五方之風氣不齊民生其間者異習則有風俗移風易俗莫大於禮樂禮樂序者禮樂之所自出也則有學校學校之中禮莫隆焉先師先聖覺世

瞻民此人性之所以常存而天地之所以不息也則有文廟自是立之學官宣其教規而多士以典明其典禮崇其饗祀而百物不廢益以書院社館養以學田膏火俾貧無以資者皆得因其性而陶成之此既富方教人物挺生者獻之芳規逸軌才士之附鳳攀龍選舉科目閭房之秀血性流露節淳樸之子至情自獻孝皆得與山川日月同其不朽者也所以朝有封誥彰名德也邑有坊表樹風聲也代往而迹疑湮尚傳古跡人往而風亦微乃識陵墓彼人非土著而地留賢哲備表名區孰謂偽

寓之可畧歟至若古者遇災而懼修德回天洪範之紀庶徵即此意也司民牧者誰不宜然則災祥有志焉百家之術亦以利民則方伎有志焉二氏之說流漫已久因及寺觀有寺觀則有焚修煉形住世空諸所有其道雖左其精進亦可嘉也因及仙釋若夫抽毫拂繭發行所見或以揚盛代之休明或以紀一事之顛末憂玉敲金而神鬼泣探根躡窟而雷霆驚大抵一字名貴即為守土之師片言居要亦樹藝林之幟非是族也不在取錄此序文記贊詩歌頌賦諸作又不同於紀事謀識

聊以備考核資遊涉已也故先二者而志藝文

棗陽縣志

凡例

一棗陽自漢創為郡縣至今已二千餘年矣從前圖志俱已不傳今所傳劉氏一編又極荒陋簡畧茲特發凡起例定為新本

一志者史之遺也故凡義例各有攸歸如疆域則倣之地里水利則倣之河渠積貯物產則倣之食貨其他莫不類然輕持臆斷非所敢出也

一是書自沿革以至謀記分類二十有四每類截為一

三

卷邑中數千年掌故雖不敢云詳盡若事繇原委及利病緊要固已往復稽求略無挂漏

一書必有序所以明緣起昭作法也茲於每類弁以數言務求者歸條卷閱節靈通若夫雕章刻句體要無閑則又非予之心也

一志言政之書也邑之山川形勝里杜城池閩政之大者不容絲毫簡脫固已第門類太繁亦乖體制今則於其事之不甚參差者總攬歸於一類此不獨閱者省編揭之勞而亦史家提綱挈領法也

一凡志必首列星野彙邑舊志亦然抑知分星析度南北難詳準地合天杪分易溷即以楚地言之史遷班固以爲翼軫之分野蔡邕曰張十二度蔚宗曰八張十八度至宋史地理志又云京西南北路禹貢荆豫之域當柳星張之分言人人殊茫無根據况邑為襄陽支分自全省視之何啻斗大自寰宇視之則滄海一粟耳顧乃坐井遂欲觀天扣盤即云見日不亦誣乎去此一類不敢從同

一沿革及職官選舉三志他家多用年表式制非不古

二

但與其墨格縱橫棘人眼目何如前後挨序便於省覽乎蓋凡事無害於理者即可行其變通也

一丁田兩賦前此間有時重時輕今則

皇恩浩蕩丁隨糧轉賦役均平行將萬古為昭不特當時歎

樂利沐膏澤已也謹依

頒定全書條項逐一編入

一職官守令師儒凡有惠政及民者即於本人名下著其官蹟不另立傳從變例也

一人物列傳自班馬區別名目後古今記傳家多倣焉

之第前賢行誼非具子將月旦之評司馬人倫之鑒者品藻未必皆真茲準魯觀察安業合志例凡邑中道德勲名文章節義之士槩以耆舊括之至高賢列女方伎仙釋則又區類以載或合或分庶不病於膠

固

一鄧禹本南陽新野人與素無涉若樊宏樊儵馮魴岑彭岑熙馬武馬成諸人實為邑產而府志顧又逸之前賢出處觀法所係今特酌焉補入

一孝子節婦至行維均自來志家俱嚴以求孝子寬以

三

絕節婦益孝為庸德安常處順未易表見至婦人而以節著之死靡他稱曰未亡人其情可槩見矣使吾執筆而或吝乎表彰安得不與逝水飄風同歸滅沒哉今於其題節婦登載外一切荆布窮蔭未蒙

卹典者悉據公牘所陳廣為甄錄凡以闡幽光而勵從

一之義也

一八景套習自直省以至郡邑志皆未能除竊意扶輿靈秀之氣雖不擇地而鍾然或接壤聯疆而山頽水拙自開闢以來未經一人咨賞者或又蕞爾微區而

奇蹤異跡有應接難同者必沾沾焉以八爲數獨不

可七可九乎茲縣爲汰去不敢乖於雅馴

一藝文必有闢政治有裨名教者方爲選入若夫感喟

風雲嘲弄花草雖極詞壇偉製依然子墨外篇暫屈

度藏以俟知言之君子再爲續入可也

一棗陽爲光武龍興之地建武允平以後幸章陵祠園

廟者數世理宜大書特書明今古同尊之義今悉統

歸襟記輕重未免失倫要知鄙意有二非敢甘冒不

韙一則以漢帝實錄其詳前史此不過摘取支流用

四

資博識非必本本原原如史例之謹嚴也一則以識

大識小自史之常具特識者當不以此詬厲也

棗陽縣志舊修姓氏

纂修

棗陽縣知縣劉嗣煦

參閱

襄陽縣知縣余配元

棗陽縣儒學教諭余燕貽

宜城庠生白尚燦

分校

邑貢生李瑾 李柱 田邦傳

唐亮

邑廩生嚴繼光 李允禪 田佃

李共丹

錄註

邑庠生趙迪城 丁天任 李鳳池

趙紹祖 曾維藩 錢沆

張曷

棗陽縣志修輯姓氏

纂修

棗陽縣知縣甘定邁

同修

棗陽縣儒學訓導署教諭事熊天章

分校

邑舉人現任歸州學正賀芬

監理

棗陽縣典史孫鯨

邑貢生張師範
邑貢生唐典

二

邑生員錢經邦

邑增生孫宗衛

邑增生袁履端

邑生員謝式南

採訪

邑貢生高會極

邑候同李天植

邑候同史光先

邑康選州生員吳文琬

襄陽縣志目錄

卷首

新序

舊序

凡例

姓氏

目錄

繪圖

卷一

沿革

卷二

疆域

形勝附

卷三

山川

卷四

城池

卷五

坊里

街市坊表附

卷六

水利

卷七

積儲

卷八

公署

卷九

學校

書院義學附

卷十

典禮

壇廟附

卷十一

丁賦

卷十二

田賦

卷十三

兵防

鋪遞附

卷十四

風俗

卷十五

物產

卷十六

古蹟

卷十七

災異

卷十八

寺觀

卷十九

陵墓

卷二十

職官

附官蹟

卷二十一

選舉

附封底

卷二十二

人物

卷二十三

藝文上

卷二十三

藝文下


卷二十四

雜記

三

四

學宮圖



棗陽縣志卷一

沿革

邑在隋以前割附分隸稱名不一至仁壽初始更
 廣昌為棗陽然攷是時尚未屬襄郡屬襄則自元
 至元中昉也善乎鄭漁仲之言曰郡縣之設有時
 而更山川之形千古不易其書沿革俾長民者知
 所考焉

棗陽縣地於禹貢屬豫州

周為唐國左傳唐成公如楚亦三年止之註云唐國在

今湖廣棗陽縣舊有上唐鄉漢書地理志春陵侯國
 故棗陽白水鄉上唐鄉故唐國枳地志上唐鄉茲城
 在隨州棗陽縣東南古之唐國

春秋屬楚春秋定公五年秦子蒲子虎帥師救楚大敗

吳師逆滅唐

秦屬南陽郡

漢為棗陽縣元帝時分立春陵侯國皆隸南陽光武中

興改春陵為章陵後分置襄鄉縣

魏武帝省章陵入棘陽語見舊志水經注黃初二年更未審何出